



10 AUG, 2023

Pengimbas 3D mampu kekang penyeludupan

Utusan Malaysia, Malaysia



Page 1 of 2



PENGUNAAN mesin pengimbas teknologi baharu akan membantu Jabatan Kastam Diraja Malaysia (JKDM) melaksanakan tugas dengan lebih berkesan dalam menyekat penyeludupan di pintu masuk negara.

Pengimbas 3D mampu kekang penyeludupan

Oleh FITRI NIZAM
 fitri.nizam@mediamulia.com.my

PETALING JAYA: Jabatan Kastam Diraja Malaysia (JKDM) memerlukan mesin pengimbas berteknologi 3D dalam meningkatkan lagi kawalan keselamatan di pintu masuk negara khususnya bagi mengekang isu penyeludupan.

Bercakap kepada Utusan Malaysia, Ketua Pengarah JKDM, Datuk Zazuli Johan berkata, rata-rata mesin pengimbas yang diguna pakai jabatan itu sudah berusia lebih 15 tahun yang teknologinya juga sudah jauh ketinggalan.

“Kebanyakan negara di dunia sekarang sudah mengguna-

kan mesin pengimbas menggunakan teknologi 3D namun rata-rata mesin pengimbas yang digunakan JKDM adalah berteknologi 1D dan 2D sahaja.

“Namun ada juga beberapa Kompleks Kastam, Imigresen dan Kuarantin (CIQ) seperti di Johor Bahru sudah menggunakan mesin pengimbas berteknologi 3D,” katanya.

Bagaimanapun beliau memberitahu, JKDM dalam proses mendapatkan mesin pengimbas yang menggunakan teknologi 3D bagi mengekang aktiviti penyeludupan terutamanya dadah.

Namun, tegas beliau, kekurangan itu tidak mematahkan semangat JKDM untuk

terus menjadi petugas barisan hadapan dalam mengawal pintu masuk negara daripada ‘diceroboh’ penyeludup sekali gus mengakibatkan kerugian kepada Malaysia.

“Bergantung kepada mesin pengimbas saja sukar, tetapi pasukan risikan JKDM memainkan peranan penting untuk mengesan sebarang aktiviti penyeludupan sekali gus mengekangnya,” katanya.

Terbaharu, JKDM merampas 88 kilogram dadah jenis kokain dianggarkan bernilai RM17.6 juta menerusi serbuan di Kompleks Kargo Udara Lapangan Terbang Antarabangsa Kuala Lumpur (KLIA), Sepang, Selangor pada 1 Ogos lepas.



10 AUG, 2023

Pengimbas 3D mampu kekang penyeludupan

Utusan Malaysia, Malaysia



Page 2 of 2

SUMMARIES

PETALING JAYA: Jabatan Kastam Diraja Malaysia (JKDM) memerlukan mesin pengimbas berteknologi 3D dalam meningkatkan lagi kawalan keselamatan di pintu masuk negara khususnya bagi mengekang isu penyeludupan. Bercakap kepada Utusan Malaysia, Ketua Pengarah JKDM, Datuk Zazuli Johan berkata, rata-rata mesin pengimbas yang diguna pakai jabatan itu sudah berusia lebih 15 tahun yang teknologinya juga sudah jauh ketinggalan.